



MEMORIA DE XESTIÓN ANUAL ANPA IES NEIRA VILAS CURSO 2022-2023

1. ESTRUCTURA E ORGANIZACIÓN DA ANPA
2. ACTIVIDADES EXTRAESCOLARES
3. INICIATIVAS DA ANPA E ACTIVIDADES NO CENTRO
4. CONSELLO ESCOLAR
5. OBXECTIVOS PARA O PRÓXIMO CURSO



1. ESTRUCTURA E ORGANIZACIÓN DA ANPA

A Asociación de Nais e Pais Neira Vilas está formada por tódalas familias de alumnado escolarizado no IES Neira Vilas que desexan asociarse. No presente curso 2022/23 somos un total de 121 familias socias.

O prezo da cota para asociarse á ANPA é de 20 €/curso para o primeiro fillo, e de 5 € para os sucesivos.

A Xunta Directiva da ANPA está formada por un grupo de nais e pais que traballan voluntariamente representando ó resto das familias. As tarefas e funcións da Xunta directiva están repartidas entre os cargos que son elixidos en assemblea. Na actualidade, conforman a Xunta directiva as seguintes persoas:

Presidenta: Luisa Domínguez Sierra

Secretaria: Lucía Seoane López

Tesoureira: Sonia Vázquez Álvarez

Vogais: Sonia Gandoy Blanco

Manuel Muñiz Mayo

Ana Belén Nogueira Álvarez

Emma María Seoane Uzal

Antonio Maceira Suárez

Carmen Navarro Casero

O centro pon a disposición da ANPA un local no instituto no que se centraliza a actividade.

Para comunicarse con nós a maneira máis sinxela é a través do correo electrónico anpaneiravilas@gmail.com.



2. ACTIVIDADES EXTRAESCOLARES

Como en anos anteriores, a ANPA Neira Vilas deu a opción ao alumnado do centro a inscribirse en actividades extraescolares durante o curso 2022/23 nas tardes dos xoves, de 16.15-17.45.

Neste curso ofrecimos dúas actividades:

- **BALONCESTO:** actividade deportiva de "baloncesto" ofrecida como novidade. Debido a que non se alcanzou o mínimo de alumnos necesario, tivemos que suspendela no mes de novembro.
- **ENGLISH CLUB:** actividade impartida en inglés na que os alumnos participantes entablan unha comunicación fluida durante o curso cun centro en UK, principalmente compartindo actividades a través dun blog e por video conferencia, propiciando un intercambio lingüístico-cultural moi interesante en ambas direccións. Ademais o English Club ten un acordó de colaboración con Trinity College London no que se recoñece que nesta actividade se prepara ao alumnado correctamente para optar a un diploma oficial de este centro examinador. De feito nos anos que se leva facendo esta actividade aprobaron o 100% de alumnos que se presentaron.

Este ano estiveron anotados de media 17 alumnos.

O prezo mensual é de 15 euros para as persoas socias e de 20 euros para os non socios.

Calendario e Inscripcións

- Dende outubro ata o último día lectivo de clase.
- Inscripción: cubrindo a ficha entregada a todo o alumnado ca matrícula, e que está colgada na páxina web do instituto, no apartado da ANPA.



3. INICIATIVAS DA ANPA E ACTIVIDADES NO CENTRO

- PROXECTO DE DOAZÓN E INTERCAMBIO DE LIBROS DA ANPA.

A ANPA IES Neira Vilas xestiona o banco de doazón e préstamo de libros que serve para completar a axuda da Xunta que reciben as familias.

En 1º ESO, xa que traballan co programa E-dixgal, só se prestou os libros de Inglés.

En 2º ESO, préstaronse os libros de Inglés e Francés

En 3º ESO, este ano, dado que entraron novos libros, non puideron prestarse nese curso. Agardamos que haxa donacións destas familias que poidan beneficiar ó alumnado que iniciará este curso no 2023/2024.

En 4ºESO, prestáronse libros de Inglés, francés, lingua galega, matemáticas e química.

O reparto de libros fíxose seguindo os seguintes criterios: Primeiro socios da ANPA, por orden de letra administrativa da Xunta de Galicia. E despois os non socios ca mesma orde. Para que todos os nenos/as tiveran algún libro repártense da maneira indicada un a un, e se se rematan os libros dunha asignatura continúaase co seguinte libro polo seguinte alumno da lista.

	Nº Peticiones			Libros pedidos	Libros Prestados
	Total	Socios	No socios		
1º ESO	25	14	11	25	25
2º ESO	45	18	27	87	87
3º ESO	41	18	23	41	41
4º ESO	44	15	29	196	169
Totales	155	65	90	349	322



Polo tanto, recibimos peticións de 155 familias e todas levaron algún manual.

En termos económicos, e se calculamos un custo medio de 22 euros por libro, as familias do instituto aforraron 7084 €.

Animamos a todas as familias a doar os libros dos cursos xa rematados, para poder axudar ao máximo número de familias nos cursos vindeiros.

- TÉCNICAS DE ESTUDIO

Impartíronse sesións de técnicas de estudio en todos os cursos de ESO (1º, 2º, 3º E 4º).

As sesións comenzaron con data de 07 de novembro e finalizaron o 13 de decembro impartíndose durante as horas de titoría a maioría delas.

Noutros casos o profesorado cedeu algunha das súas horas de clase.

Impartíronse, en xeral, técnicas para:

- Planificar o tempo, confección de horarios e organización do traballo. Uso de axenda.
- Estudar asignaturas de letras: aprender a realizar a lectura exploratoria, comprensiva, extraer ideas principais, organizar a información e xerarquizala en organizadores gráficos.
- Adestrar a memoria dende un punto de vista práctico e facela máis eficiente, consellos e habilidades para memorizar e regras nemotécnicas.
- Como estudar matemáticas, pautas para a resolución de problemas e en xeral como traballar as asignaturas instrumentais.
- Pautas para a realización de exames.
- Toma de apuntes.

- TALLER DE EDUCACIÓN EMOCIONAL E IGUALDADE DE XÉNERO.

Taller impartido en 2º de ESO por Almas Meraki



Nestas sesións levadas a cabo por Sara Vierna, o obxectivo era ofrecer experiencias de aprendizaxe para que os alumnos poidan repensar as súas identidades, as súas relacións para tomar consciencia sobre as situación que lles provocan malestar e incorporar algunhas ferramentas que potencien as competencias persoais como a conciencia e a regulación emocional.

O enfoque metodolóxico foi participativo, dinámico e experiencial. Atendeu a todas as voces do grupo xerando un espacio de seguridade e respecto para facilitar a expresión de opinión e sentires. Púxose en práctica exercicios de debate e crítica, de conciencia emocional e de autoindagación persoal.

- SOLICITUDE DE SUBVENCÍONS AO CONCELLO DE OLEIROS

Como todos os anos, en xuño solicitouse ao Concello de Oleiros unha subvención destinada a entidades sen ánimo de lucro para a promoción da cultura e o deporte no ano 2023.

Para este curso 2022/2023 a subvención concedida polo Concello de Oleiros foi de 4.143,46 €. Adxuntamos copia da concesión da mesma.

A consecución desta subvención é esencial para a Anpa, xa que dependemos deste ingreso para poder levar a cabo todas as nosas iniciativas.

4. CONSELLO ESCOLAR

A ANPA ten unha representante no Consello Escolar, para presentar todos os temas que considera de interese para os nosos alumnos e alumnas.



5. OBXETIVOS PARA O PRÓXIMO CURSO.

Neste curso que acaba de començar de 2023/2024 esperamos continuar coa labor feita estes anos e sacar adiante moitos máis proxectos:

- Axudar ás máximas familias posible co banco de libros.
- Unha oferta máis ampla de actividades extraescolares. (English Club, Robótica, Defensa personal, Linguaxe de signos, etc)
- Ofrecer ao máximo de alumnos e alumnas novos talleres de técnicas de estudio
- Debido ao éxito acadado neste curso, ofrecer de novo Talleres de xestión emocional, se pode ser a máis cursos que a un.
- Propor novas actividades a desenvolver en todo o curso (limpeza de praias, festa fin de curso, etc)

Para poder levar a cabo as máximas actividades e con elo, completar e enriquecer a educación dos nosos fillos e fillas, animámosvos a ser socios da Anpa e tamén a formar parte dela, xa que cantos máis sexamos, mais ingresos teremos e máis doado será poder acadar estes obxectivos.